

quam tradunt a C. Iulio Cæs. bello gallico constructam esse, velut propugnaculum ejus ad ripam vicinatis adversus Germanos. Quod ipsum in atrio Palatii Majoris principum iussu adnotatum legitur his verbis, ANNO AB. VRBE. DCXCII. C. IVLIVS. DICTATOR. HIS. PARTIBVS. SVBACTIS. ARCEM. CLIVENSEM FVNDavit. Nunc Illustrissimis Iuliensis, Clivensis & Montensis inclita sede, Collegio Ecclesiastico, & amabili Incolarum humanitate memorabile est. Situ peropportuno excellit, inde enim vicina pabulosa in loca, librata planicie, læta virentique gramine recta, quam longissime patet prospectus; potissimum vero e Turri altitudine conspicua, quæ a cygno versatili ventorum indice nomen habet. *Calcaria* Opidum in Insula Rheni & Belgica Batavia a Comitibus Clivensibus, primitus exædificari cœpta, ut præsidium esset ac tutum refugium ab incursionibus Colonienſium ac Gelrenſium vicinorum, quibuscum ipsis frequentia bella gerebantur. Nomen accepit ab antiquissimo Castro *Calcar*, a quo trans Insulam hanc ad ulteriorē Rheni ripam erat trajectus, Lanificio & coctione Cerevisiæ quæ istinc ad finitima loca transferebatur, potens ac dives facta, haud mediocriter crevit. Supra *Calcariam* loco quem vocant hodie *Auf den Baern*, creditur Cæsar Germanicus Rhenum ponte junxisse, quum a veteribus Castris in *Marſos* tenderet, quos nunc vocamus *Twentano* mutato nomine, tametsi Opidulum *Otmaersen* veteris appellationis servet vestigia. *Griet* sinistram Rheni ripam tuetur, hanc eadem parte sequitur *Griethuſum* in principio agri Batavorum juxta Lobecum vetustam arcem, quam cursus extremitatem seu angulum dici volunt, *Loop* enim cursum nobis sonat, & *Eck* angulum significat: ibidē Rhenus scindit se bifido cursu in diversa labēs. In Ripa germaniæ sunt *Vesalia* de qua in Descriptione Westphaliæ *Duisburgum*, sive *Tentoburgum*, veteris Germaniæ Opidum ad ripam olim fluminis Rheni inter Ruram & Aagram amnes situm. Clarum semper fuisse, cum maxima ædificia, tum historiarum etiam Monumenta declarant. Ob Nundinas etiam celebres negotiationesque Mercatoribus frequentatum fuisse, indicant Rerū Flandricarum Scriptores. *Embrica* incolarum & ædium frequentia, & Schola, quam optime instituta concinnum; vulgo *Emmerick*, *Asciburgium* Taciti Scholiastis. Id autem non vacare errore Newenarius docet. Atque hæc de Clivia: restat paucis explicandus *Iuliensis Ducatus* vulgo *Inſers* seu *Gulick*. Nomen illi ab Opida *Jubaco*. Situs est inter flu. Rhenū & Mosam, idem pæne qui Clivia, nisi quod hæc Septentrionalior ille Meridionalior sit. Conregionales enim alioqui eisdem habent. Regionis Aer bonus & salubris: Ager utcumque fertilis Frumenti omnis generis, quod ponderosum valde est. Profert quoque *Isatim* herbam Tinctorum, vulgo *VVaid*, quæ Accolis magnum quæstum reddit: estque Pascuis lætus, Vinum vero haud gignit. Sunt hic permulta domesticæ Animalia, & imprimis Equi optimi. Principes Iulienses ab Eustathio Goteфриdi Bilionei fratre ortum ducere existimantur. Cæterum Iuliensis ditio Comitatus olim fuit, & anno c10cccxix a Ludovico Imperatore in Marchionatum erectus fuit, ac deinde xxx post annis a Carolo IV in Comitibus Metensibus fuit erectus in Ducatum, id quod Cuspinianus sub titulo hujus Imperatoris ostendit. Primus autem Marchio qui & postea Dux *Gulielmus* IV. Hujus filius *Gulielmus* Patri successit in Ducatibus Iuliensi & Gelrensi. Hic quum improlis obiisset, succēdo rem reliquit *Raynoldum* fratrem. Eoque mortuo sine hærede relicta ejus uxor Af-

Ducatus Iulia-
censis.

Situs.

Aeris temperies.

Soli fertilitas.

Animalium va-
rietas

Imperium Ma-
jorum.